



**БУЛГАН АЙМГИЙН ЗАСАГ ДАРГЫН  
ЗАХИРАМЖ**

2022 оны 10 сарын 27 өдөр

Дугаар А/663

Булган сум

“Хяналт-шийдвэрлэлт 2022” нэгдсэн  
арга хэмжээ зохион байгуулах тухай

Монгол Улсын засаг захиргаа, нутаг дэвсгэрийн нэгж, түүний удирдлагын тухай хуулийн 60 дүгээр зүйлийн 60.1.2, Байгаль орчныг хамгаалах тухай хуулийн 16 дугаар зүйлийн 16.2.10, Гэмт хэрэг, зөрчлөөс урьдчилан сэргийлэх тухай хуулийн 28 дугаар зүйлийн 28.1.2, 28.1.3, аймгийн ИТХ-ын 2020 оны II/04 дүгээр тогтоолоор баталсан аймгийн Засаг даргын 2020-2024 оны үйл ажиллагааны “Шинэ хөгжлийн зам” хөтөлбөрийн 4.3.1 дэх заалт, аймгийн Иргэдийн төлөөлөгчдийн хурлын 2022 оны V/04 дүгээр тогтоолыг тус тус үндэслэн ЗАХИРАМЖЛАХ нь:

1. Хүрээлэн буй орчны эсрэг гэмт хэрэг болон мал хулгайлах гэмт хэрэг, зөрчлөөс урьдчилан сэргийлэх зорилгоор “Хяналт-шийдвэрлэлт 2022” нэгдсэн арга хэмжээг 30 хоногийн хугацаатай зохион байгуулсугай.

2. “Хяналт-шийдвэрлэлт 2022” нэгдсэн арга хэмжээг удирдлага, зохион байгуулалтаар хангаж, тайлан мэдээг нэгтгэн танилцуулахыг аймгийн Цагдаагийн газар (цагдаагийн хурандаа Л.Ганбаатар), хүн хүчний болон шаардагдах техник хэрэгсэл, хяналтын байр, ажиллах нөхцөлийн талаар хамтран ажиллахыг аймгийн Онцгой байдлын газар (хурандаа Ш.Баасандорж), Байгаль орчин, аялал жуулчлалын газрын дарга (А.Гантөмөр), сумын Засаг дарга нарт тус тус даалгасугай.

3. Нэгдсэн арга хэмжээнд шаардагдах 7,000,000 (долоон сая) төгрөгийг Байгаль хамгаалах сангаас гаргахыг нятглан бодогч (Б.Бумцэнд)-д зөвшөөрсүгэй.


ЗАСАГ ДАРГА



Б.АРИУН-ЭРДЭНЭ

6327010943

Булган аймгийн Засаг даргын 2022 оны 14 дугаар сарын  
27-ны өдрийн А/643 дугаар захирамжийн хавсралт



**“ХЯНАЛТ – ШИЙДВЭРЛЭЛТ 2022” НЭГДСЭН АРГА ХЭМЖЭЭ ЗОХИОН  
БАЙГУУЛАХ УДИРДАМЖ**

2022.10.27

Булган сум

**Зорилго нь:** Хулгайлах болон мал хулгайлах гэмт хэрэг, хөдөлгөөний аюулгүй байдал, ашиглалтын журмын эсрэг гэмт хэрэгтэй тэмцэх, мөн хууль бус ан, зөвшөөрөлгүй мод, модон бүтээгдэхүүн бэлтгэх, тээвэрлэж яваа гэмт хэрэг, зөрчлийг илрүүлэх, шалгаж шийдвэрлэх, хуулийн хэрэгжилтийг хангах, отор нүүдэлд хяналт тавих зэрэг ажлыг эрчимжүүлж, гэмт хэрэг, зөрчлөөс урьдчилан сэргийлэхэд оршино.

**Хугацаа:** 2022 оны 11 дүгээр сарын 03-ны өдрөөс 2022 оны 12 дугаар сарын 03-ны өдөр хүртэл 30 хоногийн хугацаанд явагдана.

**Хамтран ажиллах байгууллагууд:** Булган аймгийн Цагдаагийн газар, Мэргэжлийн хяналтын газар, Онцгой байдлын газар, Байгаль орчин, аялал жуулчлалын газар, Сумдын ГХУСАЗСЗ, Ойн сан бүхий нөхөрлөл, Малчдын бүлэг, нөхөрлөл.

**Арга хэмжээний хүрээнд ажиллах хөдөлгөөнт болон байнгын постууд:**

**Пост №1:** Баяннуур сумын Өлзийт багийн нутаг “Хар нүдэн” байнгын пост.

**Пост №2:** Бүрэгхангай сумын 3 дугаар багийн нутаг “Дэрст хонхор” хөдөлгөөнт пост.

**Пост №3:** Хишиг-Өндөр сумын 2 дугаар багийн нутаг “Номын булаг” хөдөлгөөнт пост. (Дашинчилэн, Бүрэгхангай, Гурванбулаг сумдтай хил залгаа),

**Пост №4:** Бугат сумын “Зосын даваа” хөдөлгөөнт пост. (Орхон аймагтай хил залгаа)

**Пост №5:** Орхон сумын “Халиун” багийн нутаг “Оросын булаг” хөдөлгөөнт пост. (Орхон аймагтай хил залгаа),

**Пост №6:** Сайхан сумын 1 дүгээр багийн нутаг “Цагаан толгой” хөдөлгөөнт пост. (Архангай аймаг Өлзийт, Хайрхан сумдтай хил залгаа),

**Пост №7:** Баян-Агт сумын “Хануйн гүүр” байнгын пост. (Архангай аймгийн Хайрхан, Цэцэрлэг, Хөвсгөл аймгийн Рашаант сумын нутгаар дайран өнгөрдөг),

**Пост №8:** Хутаг-Өндөр сумын “Гуртын гүүр” байнгын пост.

**Пост №9:** Рашаант сумын хяналтын байнгын пост.

**Пост №10:** Орхон сумын Халиун багийн нутаг “Уушгийн гарам” хяналтын хөдөлгөөнт пост. (Орхон аймагтай хил залгаа)

**Нэг:Бэлтгэл ажлын чиглэл:**

1.“Мал, мах-2022” нэгдсэн арга хэмжээний хүрээнд ажиллах хяналтын постын тоо, хөдөлгөөнт эргүүл, постонд ажиллах хүн хүч, зарцуулагдах хөрөнгө төсвийн тооцоог гарган аймгийн ИТХ-ын дарга, Засаг дарга нарт танилцуулах.

2.“Мал, мах-2022” нэгдсэн арга хэмжээний хүрээнд ажиллах хяналтын пост, ажиллах хүн хүч, техник хэрэгслийн тооцоог гарган схем зураглалд тэмдэглэл хийх.

3. Арга хэмжээний хүрээнд хамтран ажиллах байгууллагуудад албан тоот хүргүүлж, постонд ажиллах алба хаагчийн нэрс, ажиллах хуваарийг авч албаны болон хувийн бэлэн байдлыг хангуулах

4. Алба хаагчдын байрлах байр, зуух, түлш бэлдэх ажлыг сумдын ИТХ-ын дарга бөгөөд ГХУСАЗСЗ-ийн дарга, Засаг дарга нарт албан тоотоор хүргүүлэн бэлтгэл ажлыг хангуулах.

5. Хариуцсан нутаг дэвсгэрийн хэмжээнд мал хулгайлах гэмт хэрэг үйлдэгдэж болзошгүй хулгайн зам маршрут, эмзэг цэгүүдэд эргүүл шалгалт зохион байгуулах зураглалыг боловсруулж төсөв, хөрөнгийн тооцоог гаргаж аймгийн Иргэдийн төлөөлөгчдийн хурал, Засаг дарга нарт хүргүүлэн хөрөнгийг шийдвэрлүүлэх ажлыг зохион байгуулах.

#### **Хоёр: Урьдчилан сэргийлэх ажлын талаар талаар:**

1. Эзэн холбогдогч нь тогтоогдоогүй мал хулгайлах хэргүүдийн судалгааг гаргаж илрүүлэх ажил арга хэмжээг зохион байгуулах.

2. Мал хулгайлах гэмт хэрэгтэй тэмцэх, гэмт хэрэг, зөрчлөөс урьдчилан сэргийлэх тухай хуулийн хэрэгжилтийг хангах, гэмт хэрэг илрүүлэх, урьдчилан сэргийлэх ажлыг эрчимжүүлэх.

3. Хууль бус мал, мах, ан болон зөвшөөрөлгүй бэлтгэсэн мод, модон бүтээгдэхүүн тээвэрлэн яваа гэмт хэрэг, зөрчлийг илрүүлэх, шалгаж шийдвэрлэх, хуулийн хэрэгжилтийг хангах.

4. Хөдөлгөөний аюулгүй байдал, тээврийн хэрэгслийн хяналтын журмын эсрэг гэмт хэрэг, зөрчлөөс урьдчилан сэргийлэх ажлын чанар үр дүнг дээшлүүлэх, хуулийн хэрэгжилтийг хангуулах.

5. Хил залгаа аймаг сумдын төрийн болон төрийн бус байгууллагуудтай хамтран ажиллах.

6. Сумдын ИТХ, Засаг дарга нартай хамтран тухайн суманд зөвшөөрөлгүй отроор ирж байгаа малчидтай уулзаж, тэдэнд хяналт тавьж ажиллах.

7. Иргэдэд гэмт хэргээс урьдчилан сэргийлэх талаар зурагт самбар болон тараах материал бэлтгэн хүргэх.

8. "Мал, мах-2022" хэсэгчилсэн арга хэмжээг өндөр түвшинд, чанар үр дүнтэй зохион байгуулж, алба хаагчдыг мэргэжлийн удирдлага, арга зүйгээр ханган ажиллах.

#### **Гурав: Арга хэмжээний үр дүнг тооцох:**

1. Нэгдсэн арга хэмжээний явц үр дүнг аймгийн удирдлагад болон ЦЕГ-ын эрүүгийн цагдаагийн албаны хулгайлах гэмт хэрэгтэй тэмцэх хэлтэст илтгэх хуудсаар танилцуулах.

-----oOo-----